

DE S. SPIRITVS
ADVENTV
ORATIO



Habita

IN SACELLO PONTIFICVM
QVIRINALI

A IO. FRANCISCO ALDOBRANDINO
Sem. Rom. Conuict.

VRBANO VIII.
PONT. OPT. MAX.

20



EMINENTISS. PRINCIPI

HIPPOLYTO

CARD. ALDOBRANDINO

S.R.E. CAMERARIO

IO. FRANCISCVS ALDOBRANDINVS F.



V A S in huius orationis fronte lineatas Turres vidiſti; EMIN.^{ML} PRINCEPS, alteram confuſione ſermonum diſiectam; alteram cōcordia linguarum ad Cælum feliciter tendentem. Diuinæ fuit illud opus Vindiſtæ, hoc CLEMENTIAE. Hinc ſatis liquet eandem orationem, præter alias cauſas, etiam ex argumento à me Tibi deberi. Siquidem iam pridem CLEMENS VIII. P. M. effecit, vt quicquid Clementiam aut ſonat, aut ſpirat, quaſi hæreditario



ORATIO.



IVINVS Architectus, qui
Mundum nihilo pro materia,
lingua & voce pro operarijs
vtens fabricauit; non semel
deinde linguarum operam
adhibuit, vt aut malè inchoa-
ta subuerteret, aut optima
construeret ædificia. Linguis
discordi sono loquentibus disturbata est Turris illa
Babelis, quam vsque ad Cælum verè stultitia petitem *Genes. 11.*
attollere mortales decreuerant; an vt in Cælo & ipsi
habitarent, quasi iniusta diuisione Cælum Cæli Do- *Psal. 113.*
mino, terram autem datam filijs hominum indi-
gnantes? an vt propiùs ostentarent Cælitibus, quid
artis ac virium hominibus licet terræ incolis suppete-
ret? an vt commercia cum Superis, quæ sibi maximè
quæstiosa fore sperabant commodiùs exercerent? sed
sublata sermonis continuitione spes quoque adempta
est non modò cælestis, verum etiam terrestris com-
mercij. Confuso linguarum sono simul cæptæ Tur-
ris structura, & muta laterum veluti harmonia con-
fusa est. Igitur sapientiori consilio Ecclesiæ Turrim
fini-

C. 8

Afr. 4.

finitimā Cælo ædificaturus in terris Diuinus Amor linguas in fabros demisit concordissimas. Neque sanè in turris fabrica discordare potuerunt linguæ, quæ non modò còrda plurima fecere concordia, sed ex omnium cordibus cor vnum, & animam vnam quodammodo fabricarunt. Aprissimè quoque linguas præbuit conflatas ex igne, cuius id ingenium est, vt rebus omnibus in vnam, id est in suam formam compactis vnus ipse instar lucidæ pyramidis, vel flammantis Turris in Cælum assurgat, & splendida mole sacram Ecclesiæ Turrim emuletur: cuius ædificationem, ac præstantiam, linguarum concordium opera memorabilem, consilium nunc inhi est oratione repræsentare.

Luc. 14.

Quid autem causæ fuit, cur lapsæ de Cælo linguæ super lectissimi cœtus capita non stetisse, sed sedisse dicantur? An ipse etiam Cælestis opifex volens turrim ædificare, quodammodo priùs sedens sumptus computauit operi perficiendo necessarios? Computauit sanè; non tamen ambigens de opulentia sua; quippe cui ex aratio diuini Corporis paulò ante innumeris vulneribus recluso; profusa sanguinis ne dicam aurei, an auri sanguinei pretiosissima copia in numero erat. Ergo inæstimabili pretio Christi pœnis insumpti ad sumptus suppetente, opus aggrediuntur linguæ dispersitæ, hoc est, commissa sibi ab architecto munera partitis locorum spatijs obeuntes, celeritate ignea, defatigatione nulla; cum videlicet ardoris æstum aura Spiritus vehementis temperaret, & operis laborem factus è Cælo sonus iucundus alleuaret.

Afr. 1.

leuaret. Dumque magnalia Dei loquuntur, in ma-
 gnitudinem planè diuinam Turris erigitur. Et quia
 hæc Turris exædificationis suæ artifices habet linguas,
 vocalis euadit ac eloquens. Immò non aliud propè
 iam est ipsa, quàm Sonus in omnem terram effusus: *Psal. 18.*
 nec tantum modò Cælum enarrat gloriam Dei, sed
 terra etiam diuinum nomen, ac laudes vbique mo-
 dulator. Neque verò linguarum varietas, quæ hìc
 maximè emicuit, fabricam obturbauit: non enim
 varius, sed discors vocum sonus incommodare po-
 tuit molitioni eius, quæ circumdata varietate perhi-
 betur. Quin potius diuersi consensione sermonis tan-
 quam concordii dissimilium chordarum sonitu bea-
 tus Artifex vero miraculo Ecclesiæ propugnacula fa-
 brefecit. Etenim non sine firmissimis propugnaculis
 hæc Turris extruitur. Siquidem eam olim adum-
 brauit Turris illa, quàm Regius Fidicen non tam
 auri impendio, quàm aureæ citharæ suæ sono con-
 struxit, Turris inquam Dauid ædificata cum pro-
 pugnaculis, è qua mille pendebant clypei, & omnis
 armatura fortium, non tam nouorum instrumenta
 bellorum, quàm partarum monumenta victoriarum.
 Quod si clypeos, ac trophæa requirimus beatæ Turri
 præfixa; etsi alia complura non desunt, vel ipsæ ho-
 diernæ linguæ igne velut in oblongum scutum sinua-
 to, pro clypeis resurgent. Decet enim ignea esse
 scuta, quæ aduersus tela nequissimi ignea opponan-
 tur; & victoriæ nullum magis vocale monumentum
 suspendi potest, quàm Lingua. *Ephef. 6.*

Quis iam explicet istius Turris firmitatem simul,
 ac

- ac dignitatem? cuius fundamentum verè vsque ad
Marc. 16. tartara depressum, inferorum portas calcatur, quæ ad-
 uersus eam non præualebunt; cuius latera felici, quia
Isai. 14. minimè arroganti elatione in lateribus Aquilonis in-
 sistunt, in quibus ambitiosus Lucifer solum colloca-
 re non potuit; cuius vertex supra omnium vertices
 montium erectus Cælum & sustinet, & pulsatur, ligand-
Matth. 16. i atque soluendi ineluctabili potestate. Vbi secu-
 rior Virginitas, quàm in hac Turri, in quam pluuia
 germinans virgines assiduè de Cælo profunditur?
 Vbi amplior Prouidentia? scilicet abundantiam in
Psal. 121. Turribus eius futuram oracula cecinere diuina. Atq;
 ut vberissimam, & dulcissimam alimentorum copiam
Cant. 8. hinc congestam intelligamus, vbera sua sicut Turrim
 esse, idest amplissima lactis vi tumescere æterni spon-
 sa Principis Ecclesia ipsa contestatur. Vbi Tutela
 splendidior? hanc Turrim rectè nouam ac meliorem
 Pharum dixerimus, ex qua ardentes linguæ, hoc est
 non mutæ, sed eloquentes prælucent faces; ut per ob-
 scurum fluctuantis vitæ mare nauigantes homines &
 igne, & voce, hoc est duplici luce in cœlestem por-
 tum dirigant. Vbi verior, ac maior Sapientia? certe
 ad hanc arcem, ut nationes omnes vocarent, diuina
Proverb. 9. Sapientia misit ancillas suas, flammeas videlicet lin-
 guas vni veritati ancillari edoctas, omnem menda-
 ciorum umbram igne lucidissimo dissipantes. Et pro-
 fectò qui populi admirabili concordia sacrarum lin-
 guarum allekti hanc in Turrim non confluxerunt?
 Immò ipsimet tanquam viui lapides in huius ædifi-
 cij compagem inferi non contenderunt? homines ve-

rò tantum? quæ belluæ, idest, quæ nationes ferinis
 moribus viuentes beatarum concentu linguarum huc
 pertractæ non sunt, vt in Domo Domini habitarent,
 crudelitate vel exuta, vel in suorum vltionem scele-
 rum piè conuersa? Hanc arcem ac Domum sibi
 Sapientia edificauit: hìc posuit mensam instructam
 linguis charitate calentibus,edulibus ne, an edere, ac
 in se te omnium corda mortalium conuertere cupien-
 tibus? hìc miscuit vinum, quo Apostoli sobriè vt
 nunquam ebrij Bacchum cum cæteris commentitijs
 Dijs ex orbe terrarum expulerunt. Vbi denique Ma-
 iestas augustior? Quam Deorum Matrem falsò vete-
 res crediderunt, eius caput corona è turribus com-
 pacta præcinxerunt: vt matronalem simul ornarent,
 ac munirent maiestatem. Nos autem quanto æquiùs
 Ecclesiam Parentem Diuorum verissimam non solùm
 capite, sed toto corpore Turritam hodie veneramur.
 Neque mirum, si Turrim corpore præferat ea, cuius in
 fronte descriptum Conditoris nomen instar arcis
 præfulget. Turris quippe fortissima nomen Domini. *Prover. 18.*
 Non hanc matrem inconditus creorum strepitus
 tympanorum, sed conceinna ignearum modulatio
 linguarum circumsonat: quæ nimirum Turrim
 quam semel construxerunt, nouo semper cantu di-
 latant, dum dilaudant.

Siue igitur nos in Turri tam fortunata, vt eius
 propugnatores versamur; linguis loquamur igneas
 voces vibrantibus, quibus veluti disertis fulmini-
 bus hostes arceamus: Siue vt Diuini amoris ca-
 ptiui hac in arce detinemur; linguas vsurpemus
 arden-


12

ardentes, quibus non tam vincula nostra incensa
soluantur, quàm corda nouis castarum flamma-
rum spiritus, ac nexibus inuoluantur: Siue ut ani-
mati lapides ædificio beatissimo coharemus;

1. Corin. 3.

quoniam Dei ædificatio sumus, inhabitan-
tem in nobis Artificem, Diuinum
Spiritus, linguis operosis
declaremus.

D I X I.



R O M A E,

Ex Typographia Francisci Corbelletti.
MDCXXXVII.

SVPERIORVM PERMISSV.